

og Fiskarlagets Servicekontor AS, avd. Vest

Bergen, 24.07.18

Vår ref. 706/18/BSI/5.7.1.3

Dykkar ref:

Siv.ing. Vidar Mjøs
v/ vidar-mj@online.no

Fylkesmannen i Hordaland

Radøy kommune

Fiskeridirektoratet region Vest

e-mail

RADØY, FLØHOLMEN – SØKNAD OM SMÅBÅTHAMN

Viser til brev av 22.06.18 med vedlegg, vedkomande ovannemnde sak.

Me peika på at ein frist på 14 dagar i sommarferienida ikkje er haldbart. Mjøs sa seg einig i det.

Fiskarlaget Vest har sendt saka til Nordhordland Fiskarlag.

Generelle merknader

Fiskarane opplever ein stadig større konkurranse om areala, særleg i kystsona. Ein vil peike på at fiskarane i utgangspunktet er positivt innstilt til anna næring og aktivitet, men fiskeri og andre næringar har eit heilt ulikt forhold til bruk av sjøareal. Andre næringar har behov for nye/større sjøområde, medan fiskerinæringa er avhengig av å ta vare på viktige eksisterande fiske-, gyte- og oppvekstområde.

Eksempel på konfliktområde er; oppdrett (areal inkl. anker og utslepp av spillfôr/feces/lusemidlar), vindmøller til sjøs, reguleringsplanar ut i sjø (friluftsområde i sjø, flytebyggjer, ankringsområde, m.m.), ankring/verksemd i sjø, avlaups-/vassleidningar, kablar, fritidsinteresser (båttrafikk, fritidsfiske).

I tillegg vil ein gjere merksam på at fiskarar får klage frå hytteeigarar når ein fiskar i sjøområdet utanfor hyttene om natta, men òg elles.

Mange meiner at eitt lite enkelt prosjekt ikkje kan skade, men mange nok slike så tar ein bit for bit frå fiskeriinteressene.

«Sjøvern» er like viktig for fiskerinæringa, som «jordvern» for jordbruk.

Ein vil gjere merksam på at kommunen har spesielt ansvar for å ivareta lokale og svake regionale fiskeriinteresser i plan-/reguleringsprosessar.

Fiskeridirektoratet ivaretar sterke regionale og nasjonale fiskeriinteresser.

Ein må òg ha med seg at framtidige generasjonar òg må kunne få tilgang til kystsona.

Fløholmen

Det er no flytebryggja/småbåthamna som er til høyring.

Det er, på Fiskeridirektoratet si nettside, ikkje registrert fiskeriinteresser i det omsøkte området, men det blir òg fiska i område som ikkje er registrert der.

Omsøkte flytebryggje er i samsvar med kommuneplanen.

Fiskarlaget Vest vil vise til at det finst to viktige publiseringar kring temaet småbåthamner. Den eine er NGL-rapport *"Kartlegging av forurensing i utvalgte småbåthavner i Norge"* (TA-2751/2010), som viser at småbåthamner forureinar grunnen og sjøbotn, og at spyling og vedlikehald av skrog er den største kjelda.

CIENS-rapport: 2-2011 " Helhetlig planlegging og utvikling av miljøvennlige småbåthavner. Kunnskapsstatus" gjev ei rekkje råd om korleis negativ miljøpåverknad frå småbåthamner kan avgrensast.

Ein vil gjere merksam på at fiskerinæringa er basert på fornybar biologisk produksjon, og er derfor grunnleggjande avhengig av eit reint og produktivt kyst- og havmiljø mest mogeleg fritt for miljøgifter, framandstoff og legemiddel. Ein har eit stort felles ansvar, både nasjonalt og internasjonalt, for å oppretthalde eit reint og produktivt hav.

Det er avgjerande for kvalitet, omdøme og marknadsverdi for norsk sjømat.

I tillegg er ein avhengig av å ha eigna areal å fiske på.

Fiskarlaget Vest finn ikkje å gå i mot omsøkte tiltak, men fortøyingane av bryggja må avgrensast mest mogeleg. Fiskarane fråskriv seg ansvar for eventuelt skade på fortøyingane ved fiske i området.

Ein føreset at ferdsel og fritidsfiske tar omsyn til eventuelt pågåande fiskeriverksemd i området.


Med helsing

Fiskarlaget Vest




Britt Sæle Instebo

Kopi pr. mail: Nordhordland Fiskarlag

FISKERIDIREKTORATET

Det nye varselet vert også send til dei to grunneigarane som i merknad til oppstart av reguleringsarbeidet opplyste at Grønholmen var felleseiga for Kvalheim.

Det nye varselet gjev også Statens vegvesen høve til å klargjera sitt syn på fortausspørsmålet, jamfør planskisse for framtidig veg til Nordre Byngja :



Eventuelle merknader til omsøkte tiltak vert, innan 14 dagar frå mottaket av dette varselet, å senda til

Siv. ing. Vidar Mjøs
Søre Renen 17
5099 BERGEN
epost vidar-mj@online.no

Ein vil be alle adressatar returnera ei melding til vidar-mj@online.no for å bekrefte mottak av varselet. Tilleggsopplysningar kan leverast herifrå som vedlegg til epost.

Vidar Mjøs

Kopi:: Radøy kommune, postmottak@radov.kommune.no
Floholmen AS v Håkon Zakariassen post@floholmen.no